



Broj: 03-50-1-61-7- /10

Sarajevo, 14.4.2010.

## ZAPISNIK

### 7. sjednice Nezavisnog odbora kao nezavisnog tijela policijske strukture BiH

Sjednica je održana 14.4.2010., s početkom u 11 sati.

Sjednici su prisustvovali svi članovi Nezavisnog odbora: Žiko Krunić, Mato Jozić, Bakir Dautbašić, Viktor Dadić, Ljubomir Kuravica, Enes Obraliya, Dragan Savić, Zijad Kadić i Stanko Nuić.

Sjednici su prisustvovali i Alma Salkić-Mijić, koja je obavljala poslove sekretara Nezavisnog odbora, i Željko Grubešić, savjetnik u Nezavisnom odboru.

Osim članova Odbora, sjednicu je pratio i Zoran Brkić iz Sektora za odnose s javnošću PSBiH.

Sjednicu je otvorio predsjednik Žiko Krunić.

Za sjednicu je usvojen predloženi

## DNEVNI RED

1. Usvajanje zapisnika 5. i 6. sjednice Nezavisnog odbora;
2. Razmatranje Izvještaja o radu Nezavisnog odbora za 2009. i Plana rada za 2010. godinu;
3. Tekuća pitanja.

### Ad.1. Usvajanje zapisnika 5. i 6. sjednice Nezavisnog odbora

Predsjednik Odbora otvorio je raspravu o Zapisniku 5. sjednice.

Zapisnik 5. sjednice usvojen je jednoglasno, bez primjedbi.

Predsjednik Odbora otvorio je raspravu o Zapisniku 6. sjednice. Član Odbora Zijad Kadić imao je primjedbu na način bodovanja kandidata nakon obavljenog intervjua. Ali, s obzirom da Zapisnik 6. sjednice sadrži tačne podatke o izvršenom bodovanju i donesenim odlukama, usvojen je jednoglasno, bez izmjena.

## **Ad.2. Razmatranje Izvještaja o radu Nezavisnog odbora za 2009. i Plana rada za 2010. godinu**

Predsjednik Odbora otvorio je raspravu o ovoj tački dnevnog reda.

U raspravi su učestvovali svi članovi Odbora. Odbor je jednoglasno usvojio sljedeće izmjene u predloženom Izvještaju o radu Nezavisnog odbora za 2009. godinu: u Poglavlju I. UVODNE NAPOMENE brišu se riječi: "u skladu s". U tački II. SASTAV ODBORA brišu se riječi: "i to tri Bošnjaka, tri Hrvata i tri Srbina". U Poglavlju IV. IZVRŠENJE ZADATAKA IZ NADLEŽNOSTI ODBORA riječi: "izvršeno je konstituiranje članova Odbora" mijenjaju se riječima: "primljena je k znanju Odluka o imenovanju članova Nezavisnog odbora kao nezavisnog tijela policijske strukture Bosne i Hercegovine". U Poglavlju V. ZAVRŠNE NAPOMENE riječi: „konstituirano 11.9.2009.“ mijenjaju se riječima: "konstituirano Odlukom o imenovanju članova Nezavisnog odbora kao nezavisnog tijela policijske strukture Bosne i Hercegovine". Također, usvojen je zaključak da se u Poglavlju IV. IZVRŠENJE ZADATAKA IZ NADLEŽNOSTI ODBORA detaljnije opiše dosadašnji rad Nezavisnog odbora.

Sa usvojenim izmjenama članovi Odbora jednoglasno su usvojili Izvještaj o radu Nezavisnog odbora kao nezavisnog tijela policijske strukture BiH, za period septembar 2009.- juli 2010.

U raspravi o Planu rada Nezavisnog odbora kao nezavisnog tijela policijske strukture BiH za 2010. godinu Odbor je jednoglasno usvojio sljedeće izmjene: u Poglavlju II. PROGRAMSKE AKTIVNOSTI tačka 2. briše se. U tački 8. Prijedloga plana rada, koja postaje tačka 7., riječi: "održavanje stručnih radionica" mijenjaju se riječima: "učešće na seminarima". U tački 11., koja postaje tačka 10., iza riječi: "uspostavljanje saradnje s", dodaju se riječi: "Vijećem ministara BiH". U cijelom Prijedlogu plana rada riječi: "Sekretarijat Nezavisnog odbora" mijenjaju se riječima: "sekretar Nezavisnog odbora". Usvojen je prijedlog da se umjesto skraćénica napiše puni naziv međunarodnih organizacija.

Sa usvojenim izmjenama članovi Odbora jednoglasno su usvojili Plan rada Nezavisnog odbora kao nezavisnog tijela policijske strukture BiH za 2010. godinu.

## **Ad.3. Tekuća pitanja**

Predsjednik Odbora otvorio je raspravu o ovoj tački dnevnog reda. Član Odbora Enes Obralića istaknuo je da ima potrebu da prokomentira način bodovanja kandidata nakon obavljenog intervjua, s prošle sjednice Odbora. U vezi s tim, smatra da je ovaj proces trebalo da bude na višem nivou jer se radilo o vrlo kvalitetnim kandidatima, za koje su članovi

Odbora neposredno prije bodovanja konstatirali da su svi zadovoljili za pozicije za koje su aplicirali.

Predsjednik Odbora Žiko Krunić želio je, također, da prokomentira ovo pitanje. Istaknuo je da smatra da svako ima pravo na svoje mišljenje i da su odgovori kandidata na intervjuu mogli biti različito ocijenjeni.

Prvi zamjenik predsjednika Bakir Dautbašić istaknuo je da smatra da su pojedini kandidati s ovakvim rezultatom bodovanja poniženi i da ne bi želio da se ovako nešto ponovi.

Sjednica je završena u 13,15 sati.

Sekretar  
Nezavisnog odbora  
Alma Salkić-Mijić

Predsjednik  
Nezavisnog odbora  
Žiko Krunić